

» dauno d'esi i messe entrambe le man suxo el libro inzenoghioni; e dado el sacramen-
» to a tutti i ambadori, da puo per Misier lo Doxe fo fato una Renga, e dise in que-
» sta forma: chusy principiando quello dise.

» Dixe Ixaias Profeta, Populus qui ambulat in tenebris, vidit lucem magnam, che
» vuol dir chusy, el puovolo che andava in le tenebre, vide la luxe granda; e questo
» Misier lo Doxe dise in figura de Verona zoè che quella jera stada per longo tempo
» soto tiranicha Signoria, e puosse dir, che chadauno, che sia soto Tiran, sia in tenebre,
» chonziosiachè i Tirani non varda se non a saziar i so apetiti, e non ha respeto de se-
» nestrar (1) i citadini, e le persone, e de tuorly el so aver; e se alguno ha alguna
» chosa, elo non olsa mostrar; ma i suditi dela Dogal Signoria de Veniexia non ha pau-
» ra, che a quelli sia tolto del so aver; e pur se lo eschaze (*accade*) che Veniexia abia
» guera, la Signoria non choltiza (2) algun so sudito in aver; e se per aventura i se
» adovra con le persone, i son ben pagadi, e chadauno può ben mostrar, e far del so
» aver quello ly par e piaxe. E fenide queste parole, Misier Giacomo di Favri dise chussy,
» Io digo in persona di Verona, Magnificat anima mea Dominum.

» E puo con grandio trionfo Misier lo Doxe de' la insegna de Misier San Marcho so-
» vradicta; la qual quelli deve se portar a Verona, e meterla in quello luogo plu horevol
» ly parese, e quella tegnir per so chavo, e Governador Misier San Marcho Evanzelista:
» e chusy loro la rezevete la dita insegna dorada, digando ad alta voxe, viva san Mar-
» cho; da può inchomenza le Trombe a sonar, e zesade de sonar le Trombete jera là
» uno Noder Veronexe con i diti ambadori, al qual Noder per la Signoria fo dito tra-
» zese in uno publico instrumento la fedeltade, che aveva zurado i diti 22 ambadori
» e Sindichi per la Chomunitade de Verona; e per lo simel muodo fo dito a uno Noder
» de Veniexia, che quello tragese in uno publico instrumento, chomo la Dogal Signoria
» de Veniexia aceta i Veronexi per so fedeli suditi; e pregadi per intrambe le parte i diti
» do Noderi, i ambadori se parti con la dita insegna dorada de Misier San Marcho, e
» monta a chavalo, e quelli fo scorti per alcuni zentilomeni fino là dove eli jera arivadi
» con gran trionfo e festa, sonandose i piferi e trombete con granda alegreza. Le do
» bandiere, dona i diti Ambadori ala Dogal Signoria, de prexente fono portade in gle-
» xia de San Marcho, e mese al Altar grandio, l'una da un lado e l'altra dalaltro lado,
» e stete tuto quel zorno li; da puo quele fo tolte, e mese in la gliexia predita de so-
» vra del'Altar grandio l'una da un lado e l'altra dal altro, e chusy al dy prexente
» stano. » (3).

B

Benchè il Sanuto non abbia ommesso di far menzione di queste discussioni nel Pre-
gadi (pag. 843) nonostante riferisco la più particolare descrizione che ne fa il Cronista
Morosini inedito a p. 410 tergo 411. ec.

» Chorando anì pur MCCCCIX dy 11 avosto in Venexia. In questo tempo zionse in
» Veniexia una solena Ambada de tre ambadori dal Re de Franza, e una dal Re d'In-
» gletera, et un'altra dal Ducha de Brogogna, tute vègnude qui a la Dogal Signoria, in
» la qual fo el patriarcha d'Antiochia; e apresso el dy seguente zionse una galia (4) dal
» Papa Griguol XII da Civald (5) et un'altra (6) la qual manda Papa Alessandro V da

(1) (da sinistro, di rendere disgraziati).

(2) (da colta colletta, aggravio, imposizione).

(3) Il Sanuto p. 823. dice: *Ma al presente per vecchiezza furono tirate via e non vi sono più* (e ciò
circa il 1490) e così la Delfina dice: *et hora sono sta levade via per vetustade*.

(4) (Galia così anche la Delfina). Il Sanuto dice *un Oratore*.

(5) (De Friul aggiunge la Delfina).

(6) (Altra ambassada dice la Delfina).